

杭州圖書館



杭州圖書館

◎ 杭州圖書館

泐製寶筏精華序

信心銘云。毫釐有差。天地懸隔。此
言猶未足。以譬喻此事。此事如是
知。如是解。如是信受。如是奉行。與
從上佛祖同一鼻孔。然如是知。如
是解。如是信受。如是奉行。却又與
三千外道同一鼻孔。蓋會者不做

御製序文

分疏。而不會者。造勞之遠。雖毫釐
無差。仍不殊天。地懸隔也。向來老
古。雖一片婆心。唯有令人自證。其
間或因知音相遇。遂乃啐啄同時。
或因契緊為人。不覺全身落外。千
百年前。葛藤具在。三千界裏。一任
諸誰。朕以此等語句。雖屬直截提

持。若未得正悟。亦無由得入。但以
情推識解。却成顛倒。用是蒼萃一
編。於朕所選歷代語錄外。另而拈
出。名曰寶筏精華。夫空劫以前。乃
至盡未來際。佛佛祖祖。說不到之
教外別傳。傳不到之真言密跡。可
以一句兩句。盡為諸人分明說破。

御製序文

二

然說者自是說破。聽者仍然圓圖。
不能管下獨脫。仍自累劫沉埋。豈
不使無上醍醐。翻成毒藥。是編也。
透重關者。可為無印之印。至於初
機之士。不可觀覽。若未曾到得前
後際。斷大死大活。徒以貼貼識心。
橫生推測。直饒推測得毫釐。無差。

只成得個天地懸隔身。此選只可
真。奈實悟。因見因行者。默傳。分付
以為密印。萬不可示之初機。朕意
悲心念實切。不忍一字誑人。天下
知朕作朕之人。自必如朕所訓。不
特此書翻刻流行。倘或違背朕言。
廣為傳布。必致初學之人。頓起狂
華。障礙正見。是伊自悞悞人。業由
自造。與朕無涉。

御製序文

三

雍正十一年癸丑八月望日御筆



雍正十年中秋月御選寶筏精華卷上

毘婆尸佛

偈曰。身從無相中受生。猶如幻出諸形像。幻人心識本來無。罪福皆空無所住。

尸棄佛

偈曰。起諸善法本是幻。造諸惡業亦是幻。身如聚沫心如風。幻出無根無實性。

毘舍浮佛

偈曰。假借四大以爲身。心本無生因境有。前境若

御選寶筏精華

卷上

無心亦無。罪福如幻起亦滅。

拘留孫佛

偈曰。見身無實是佛身。了心如幻是佛幻。了得身心本性空。斯人與佛何殊別。

拘那含牟尼佛

偈曰。佛不見身知是佛。若實有知別無佛。智者能知罪性空。坦然不怖於生死。

迦葉佛

偈曰。一切衆生性清淨。從本無生無可滅。卽此身

心是幻生。幻化之中無罪福。

釋迦牟尼佛

世尊一日陞座。大衆集定。文殊白椎曰。諦觀法王法。法王法如是。世尊便下座。

世尊在忉利天爲母說法。優填王思佛。命匠雕栴檀像。及世尊下忉利天。像亦出迎。世尊三喚三應。乃云。無爲眞佛。實在我身。

世尊示隨色摩尼珠。問五方天王。此珠而作何色。時五方天王互說異色。世尊藏珠。復擡手曰。此珠

御選寶筏精華

卷上

作何色。天王曰。佛手中無珠。何處有色。世尊曰。汝何迷倒之甚。吾將世珠示之。便強說有青黃赤白色。吾將眞珠示之。便總不知。時五方天王悉自悟道。

世尊因黑氏梵志獻合歡梧桐花。佛召仙人放下。著梵志放下。左手一株花。佛又召仙人放下。著梵志又放下。右手一株花。佛又召仙人放下。著梵志曰。吾今兩手俱空。更教放下。個甚麼。佛曰。吾非教汝放捨其花。汝當放捨外六塵。內六根。中六識。一

時捨却。無可捨處。是汝放身命處。梵志於言下悟。無生忍。

世尊一日因文殊在門外立。乃曰。文殊文殊。何不入門來。文殊曰。我不見一法在門外。何以教我入門。

無邊身菩薩將竹杖量世尊頂。丈六了又丈六。量到梵天。亦不見世尊頂。乃擲下竹杖。合掌說偈云。虛空無有邊。佛功德亦然。若有能量者。窮劫不可盡。

御選寶筏精華

卷上

三

世尊因乾闥婆王獻樂。其時山河大地。皆作琴聲。迦葉起作舞。王問迦葉。豈不是阿羅漢。諸漏已盡。何更有餘習。佛曰。實無餘習。莫謗法也。王又撫琴三遍。迦葉亦三度作舞。王曰。迦葉作舞。豈不是習。佛曰。實不曾作舞。王曰。世尊何得妄語。佛曰。不妄語。汝撫琴。山河大地。木石盡作琴聲。豈不是。王曰。是。佛曰。迦葉亦復如是。所以實不曾作舞。王乃信受。

世尊因文殊忽起法見。佛見被世尊威神。攝向二

鐵圍山

世尊因外道問。不問有言。不問無言。世尊良久。外道歎曰。世尊大慈大悲。開我迷雲。令我得入。作禮而去。阿難白佛。外道得何道理。稱讚而去。世尊曰。如世良馬。見鞭影而行。

百丈恆舉此請益法眼語未終法眼云住住汝擬向

世尊良久處會那文從此悟入

世尊因外道問。昨日說何法。世尊曰。說定法。外道曰。今日說何法。曰。不定法。外道曰。昨日說定法。今日何說不定法。世尊曰。昨日定。今日不定。

御選寶筏精華 卷上

四

世尊因有異學問。諸法是常耶。世尊不對。又問。諸法是无常耶。世尊亦不對。異學曰。世尊具一切智。何不對我。世尊曰。汝之所問。皆爲戲論。

世尊嘗在尼俱律樹下坐次。因二商人問。世尊還見車過否。曰。不見。還聞否。曰。不聞。莫禪定否。曰。不禪定。莫睡眠否。曰。不睡眠。商人乃歎曰。善哉善哉。世尊乃覺而不見。

世尊因長爪梵志索論義。預約曰。我義若墮。當斬首以謝。世尊曰。汝義以何爲宗。志曰。我以一切不

受爲宗。世尊曰：是見受否？志拂袖而去。行至中路，有省，乃歎曰：我義兩處負墮，是見若受。負門處粗，是見不受。負門處細，一切人天二乘，不知我義墮處。惟有世尊、諸大菩薩，知我義墮。回至世尊前，曰：我義兩處負墮，故當斬首以謝。世尊曰：我法中無如是事。汝當回心向道。於是同五百徒衆，一時投佛出家，證阿羅漢。

世尊一日坐次，見二人身猪過，乃問：這個是甚麼？曰：佛具一切智，猪子也不識。世尊曰：也須問過。

御選寶筏精華

卷上

五

世尊在靈山會上，拈花示衆，是時衆皆默然。唯迦葉尊者破顏微笑。世尊曰：吾有正法眼藏，涅槃妙心，實相無相，微妙法門，不立文字，教外別傳，付囑摩訶迦葉。

世尊至多子塔前，命摩訶迦葉分座令坐。以僧伽黎圍之，遂告曰：吾以正法眼藏，密付於汝。汝當護持，并勅阿難副貳傳化，無令斷絕。而說偈曰：法本法無法，無法法亦法。今付無法時，法法何曾法。爾時世尊說此偈已，復告迦葉：吾將金縷僧伽黎衣。

傳付於汝。轉授補處。至慈氏佛出世。勿令朽壞。迦葉聞偈。頭面禮足。曰。善哉善哉。我當依敕。恭順佛故。

世尊臨入涅槃。文殊大士請佛再轉法輪。世尊咄曰。文殊。吾四十九年住世。未曾說一字。汝請吾再轉法輪。是吾曾轉法輪耶。

世尊於涅槃會上。以手摩胸。告衆曰。汝等善觀。吾紫磨金色之身。瞻仰取足。勿令後悔。若謂吾滅度。非吾弟子。若謂吾不滅度。亦非吾弟子。時百萬億衆。悉得契悟。

應化聖賢

文殊菩薩。一日令善財採藥。曰。是藥者採將來。善財遍觀大地。無不是藥。却來白曰。無有不是藥者。殊曰。是藥者採將來。善財遂於地上拈一莖草。度與文殊。殊接得示衆曰。此藥能殺人。亦能活人。

文殊問菴提遮女曰。生以何爲義。女曰。生以不生。生爲生義。殊曰。如何是生。以不生。生爲生義。女曰。若能明知地水火風四緣。未嘗自得有所和合。而

能隨其所宜。是爲生義。殊曰。死以何爲義。女曰。死以不死。死爲死義。殊曰。如何是死。以不死。死爲死義。女曰。若能明知地水火風四緣。未嘗自得有所離散。而能隨其所宜。是爲死義。

菴提遮女問文殊曰。明知生是不生之理。爲何却被生死之所流轉。殊曰。其力未充。

維摩會上。三十二菩薩。各說不二法門。文殊曰。我於一切法。無言無說。無示無識。離諸問答。是爲菩薩入不二法門。於是文殊又問維摩。仁者當說何等是菩薩入不二法門。維摩默然。文殊讚曰。乃至無有語言文字。是菩薩真入不二法門。

善財參五十三員善知識。末後到彌勒閣前。見樓閣門閉。瞻仰讚歎。見彌勒從別處來。善財作禮曰。願樓閣門開。令我得入。尋時彌勒至善財前。彈指一聲。樓閣門開。善財入已。閣門卽閉。見百千萬億樓閣。一一樓閣內。有一彌勒。領諸眷屬。并一善財而立其前。

善財因無著菩薩問曰。我欲見文殊。何者卽是財。

曰。汝發一念心清淨。卽是無著。曰。我發一念心清淨。爲甚麼不見財。曰。是真見文殊。

舍利弗問天女曰。何以不轉女身。女曰。我從十二年來。求女人相了不可得。當何所轉。卽時天女以神通力。變舍利弗。令如天女。女自化身如舍利弗。乃問言。何以不轉女身。舍利弗以天女像而答言。我今不知云何轉面而變爲女身。

障蔽魔王。領諸眷屬。一千年隨金剛齊菩薩。覓起處不得。忽一日得見。乃問曰。汝當依何而住。我一

御選寶筏精華

卷上

八

千年覓汝起處不得。齊曰。我不依有住而住。不依無住而住。如是而住。

那吒太子。析骨還父。析肉還母。然後現本身。運大神力。爲父母說法。

楞嚴。佛謂阿難。若能轉物。卽同如來。見見之時。

見非是見。見猶離見。見不能及。汝但棄其生滅。

守於眞常。常光現前。根塵識心。自然銷落。若以

能推底是汝心。則是認賊爲子。當知虛空生汝

心內。猶如片雲點太清裏。况諸世界在虛空耶。汝

等一人發真歸元。此十方空悉皆消殞。知見無見。斯卽涅槃。無漏真性。佛言。富樓那。如汝所言。清淨本然。云何忽生山河大地。汝常不聞如來宣說。性覺妙明。本覺明妙。佛言。阿難。此等衆生。不識本心。受此輪迴。經無量劫。不得真淨。皆由隨順殺盜淫故。反此三種。又則出生無殺盜淫。有名鬼倫。無名天趣。有無相傾。起輪迴性。無令心魔自起深孽。諸可還者。自然非汝。不汝還者。非汝而誰。

御選寶筏精華

卷上

九

圓覺。如是我聞。一時婆伽婆。入於神通大光明藏。三昧正受。一切如來光嚴住持。是諸衆生清淨覺地。身心寂滅。平等本際。圓滿十方。不二隨順。一切障礙。卽究竟覺。棄愛樂捨。還滋愛本。便現有爲增上善果。皆輪迴故。不成聖道。居一切時不起妄念。於諸妄心亦不息滅。住妄想境。不加了知。於無了知。不辨真實。以大圓覺爲我伽藍。法華假使滿世間。皆如舍利弗。盡思共度量。不能測佛智。此經開方便門。示真實相。深固幽遠。無

人能到。是法住法位。世間相常住。是法非思量分別之所能解。大通智勝佛。十劫坐道場。佛法不現前。不得成佛道。如來如實知見三界之相。無有生。死。若退。若出。亦無在世。及滅度者。非實非虛。非如非異。不如三界。見於三界。如斯之事。如來明見。無有錯謬。

維摩。智度菩薩母。容受一切法。而無分別相。文殊師利。從無住本。立一切法。觀身實相。觀佛亦然。

御選寶筏精華

卷上

十

金剛。應如是住。如是降伏其心。凡所有相。皆是虛妄。若見諸相非相。卽見如來。一切賢聖。皆以無爲法。而有差別。應無所住。而生其心。過。去。心。不。可。得。現。在。心。不。可。得。未。來。心。不。可。得。若。以。色。見。我。以。音。聲。求。我。是。人。行。邪。道。不。能。見。如。來。無。我。相。無。人。相。

華嚴。解脫長者。欲見安樂世界。阿彌陀佛。隨意卽見。菩薩以菩提心爲家。以如理脩行爲家法。涅槃。諸行無常。是生滅法。生滅滅已。寂滅爲樂。

楞伽佛語心爲宗。無門爲法門。

解深密。內證無相之所行。不可言說絕表示。息諸
諍論勝義諦。超過一切尋思相。一切諸法皆無
性。無生無滅本來寂。諸法自性恆涅槃。誰有智言
無密意。

文殊般若。佛問文殊師利。有幾衆生界。文殊答言。
衆生界數。如如來界。

初祖菩提達摩大師

祖渡江北。寓止嵩山少林寺。面壁而坐。終日默然。

御選寶筏精華

卷上

十一

有僧神光。詣祖參承。問曰。諸佛法印。可得聞乎。祖
曰。諸佛法印。匪從人得。可曰。我心未寧。乞師與安。
祖曰。將心來與汝安。可良久曰。覓心了不可得。祖
曰。我與汝安心竟。越九年。欲返天竺。乃顧慧可而
告之曰。昔如來以正法眼。付迦葉大士。展轉囑累
而至於我。我今付汝。汝當護持。至吾滅後二百年。
衣止不傳。法周沙界。明道者多。行道者少。說理者
多。通理者少。潛符密證。千萬有餘。聽吾偈曰。吾本
來茲土。傳法救迷情。一花開五葉。結果自然成。

二祖慧可大師

向居士幽栖林野。木食礪飲。聞祖盛化。乃致書曰。影由形起。響逐聲來。弄影勞形。不識形爲影本。揚聲止響。不知聲是響根。除煩惱而趣涅槃。喻去形而覓影。離衆生而求佛果。喑默聲而求響。故知迷悟一塗。愚智非別。無名作名。因其名則是非生矣。無理作理。因其理則爭論起矣。幻化非真。誰是誰非。虛妄無實。何空何有。將知得無所得。失無所失。未及造謁。聊申此意。伏望答之。祖回示曰。備觀來意。皆如實。真幽之理。竟不殊。本迷摩尼。謂瓦礫。豁然自覺。是真珠。無明智慧等無異。當知萬法卽皆如。慈此二見之徒輩。申辭措筆。作斯書。觀身與佛。不差別。何須更覓彼無餘。

三祖僧璨大師

信心銘。至道無難。惟嫌揀擇。但莫憎愛。洞然明白。毫釐有差。天地懸隔。不識元旨。徒勞念靜。圓同太虛。無欠無餘。良由取舍。所以不如。不用求真。惟須息見。纔有是非。紛然失心。二由一有。一亦

莫守一心不生。萬法無咎。無咎無法。不生不心。能由境滅。境逐能沉。境由能境。能由境能。欲知兩段。原是一空。一空同兩。齊含萬象。欲取一乘。勿惡六塵。六塵不惡。還同正覺。智者無爲。愚人自縛。法無異法。妄自愛著。將心用心。豈非大錯。夢幻空花。何勞把捉。得失是非。一時放却。眼若不寐。諸夢自除。心若不異。萬法一如。狐疑盡淨。正信調直。一切不畱。無可記憶。虛明自照。不勞心力。非思量處。識情難測。眞如法界。無他無自。要急相應。惟言不二。不二皆同。無不包容。十方智者。皆入此宗。宗非促延。一念萬年。無在不在。十方目前。極小同大。忘絕境界。極大同小。不見邊表。有卽是無。無卽是有。一卽一切。一切卽一。但能如是。何慮不畢。

四祖道信大師

祖謂牛頭融禪師曰。夫百千法門。同歸方寸。河沙妙德。總在心源。一切戒門。定門。慧門。神通變化。悉自具足。不離汝心。一切煩惱業障。本來空寂。一切因果。皆如夢幻。無三界可出。無菩提可求。人與非

人性相平等。大道虛曠。絕思絕慮。如是之法。汝今
已得。更無闕少。與佛何殊。更無別法。汝但任心自
在。莫作觀行。亦莫澄心。莫起貪嗔。莫懷愁慮。蕩蕩
無礙。任意縱橫。不作諸善。不作諸惡。行住坐臥。觸
目遇緣。總是佛之妙用。快樂無憂。故名爲佛。

五祖弘忍大師

祖告六祖曰。諸佛出世。爲一大事。故隨機大小。而
引導之。遂有十地三乘頓漸等旨。以爲教門。然以
無上微妙秘密圓明真實正法眼藏。付於上首大

御選寶筏精華

卷上

十四

迦葉尊者。展轉傳授二十八世。至達摩。屆於此土。
得可大師承襲。以至於我。今以法寶及所傳袈裟。
用付於汝。善自保護。無令斷絕。聽吾偈曰。有情來
下種。因地果還生。無情既無種。無性亦無生。昔達
摩初至。人未之信。故傳衣以明得法。今信心已熟。
衣乃爭端。止於汝身。不復傳也。

六祖慧能大師

祖抵黃梅。叅禮五祖。當呈偈後。三鼓入五祖室。五
祖復徵其初悟。應無所住而生其心語。祖言下大

徹遂啓五祖曰。一切萬法不離自性。何期自性本自清淨。何期自性本不生滅。何期自性本自具足。何期自性本無動搖。何期自性能生萬法。

祖至廣州法性寺。值印宗法師講涅槃經。寓止廊廡間。暮夜風颺刹幡。聞二僧對論。一曰幡動。一曰風動。往復不已。祖曰。不是風動。不是幡動。仁者心動。一衆竦然。

印宗延至上席。徵詰奧義。問曰。黃梅付囑。如何指授。祖曰。指授卽無。惟論見性。不論禪定解脫。宗曰。

御選寶筏精華

卷上

十五

何不論禪定解脫。祖曰。爲是二法。不是佛法。佛法是不二之法。宗又問。如何是佛法不二之法。祖曰。法師講涅槃經。明佛性是佛法不二之法。如高貴德王菩薩白佛言。犯四重禁。作五逆罪。及一闍提等。當斷善根。佛性否。佛言。善根有二。一者常。二者無常。佛性非常。非無常。是故不斷。名爲不二。一者善。二者不善。佛性非善。非不善。是名不二。蘊之與界。凡夫見二。智者了達。其性無二。無二之性。卽是佛性。印宗聞說。歡喜合掌。

無相頌曰。迷人脩福不脩道。只言脩福便是道。布施供養福無邊。心中三惡元來造。擬將脩福欲滅罪。後世得福罪還在。但向心中除罪緣。名自性中真懺悔。忽悟大乘真懺悔。除邪行正卽無罪。學道常於自性觀。卽與諸佛同一類。吾祖惟傳此頓法。普願見性同一體。若欲當來覓法身。離諸法相心中洗。努力自見莫悠悠。後念總絕一世休。若悟大乘得見性。虔恭合掌至心求。

南嶽懷讓禪師禮祖。祖曰。何處來。曰。嵩山。祖曰。什麼物。恁麼來。曰。說似一物卽不中。祖曰。還可脩證否。曰。脩證卽不無。污染卽不得。祖曰。只此不污染。諸佛之所護念。汝旣如是。吾亦如是。

僧志道。覽涅槃經至諸行無常。是生滅法。生滅滅已。寂滅爲樂。而生疑。禮祖求發明。祖曰。汝作麼生疑。對曰。一切衆生皆有二身。謂色身法身也。色身無常。有生有滅。法身有常。無知無覺。經云。生滅滅已。寂滅爲樂者。未審是何身寂滅。何身受樂。若色身者。色身滅時。四大分散。全是苦苦。不可言樂。若

法身寂滅。卽同草木瓦石。誰當受樂。又法性是生滅之體。五蘊是生滅之用。一體五用。生滅是常。生則從體起用。滅則攝用歸體。若聽更生。卽有情之類。不斷不滅。若不聽更生。卽未歸寂滅。同於無情之物。如是則一切諸法。被涅槃之所禁伏。尚不得生。何樂之有。祖曰。汝是釋子。何習外道。斷常邪見。而議最上乘法。據汝所解。卽色身外別有法身。離生滅求於寂滅。又推涅槃常樂。言有身受者。斯乃執吝生死。耽著世樂。汝今當知。佛爲一切迷人。認

御選寶筏精華

卷上

十七

五蘊和合爲自體相。分別一切法爲外塵相。好生惡死。念念遷流。不知夢幻虛假。枉受輪迴。以常樂涅槃。翻爲苦相。終日馳求。佛愍此故。乃示涅槃。眞樂。剎那無有生相。剎那無有滅相。更無生滅。可滅是則寂滅現前。當現前之時。亦無現前之量。乃謂常樂。此樂無有受者。亦無不受者。豈有一體五用之名。何況更言涅槃禁伏諸法。令未不生。斯乃謗佛毀法。聽吾偈曰。無上大涅槃。圓明常寂照。凡愚謂之死。外道執爲斷。諸求二乘人。目以爲無作。盡

屬情所計。六十二見本。妄立虛假名。何爲真實義。唯有過量人。通達無取捨。以知五蘊法。及以蘊中我。外現衆色象。一一音聲相。平等如夢幻。不起凡聖見。不作涅槃解。二邊三際斷。常應諸根用。而不起用想。分別一切法。不起分別想。劫火燒海底。風鼓山相擊。眞常寂滅樂。涅槃相如是。吾今強言說。令汝捨邪見。汝勿隨言解。許汝知少分。道聞已。踊躍作禮而退。

一日祖告衆曰。我有一物。無頭無尾。無名無字。無

御選寶筏精華

卷上

十八

背無面。諸人還識否。神會出曰。是諸佛之本源。神會之佛性。祖曰。向汝道。無名無字。汝便喚作本源佛性。汝向去。有把茆蓋頭也。只成個知解宗徒。唐中宗詔遣使薛簡迎祖。祖以疾辭。簡問曰。京城禪德。皆云。欲得會道。必須坐禪習定。未審師所說法如何。師曰。道由心悟。豈在坐也。經云。若言如來若坐若臥。是行邪道。何故。無所從來。亦無所去。無生無滅。是如來清淨禪。諸法空寂。是如來清淨坐。究竟無證。豈况坐耶。簡曰。弟子回京。主上必問。願

師慈悲指示心要。傳奏兩宮。及京城學道者。譬如一燈。燃百千燈。冥者皆明。明明無盡。師曰。道無明暗。明暗是代謝之義。明明無盡。亦是有盡。相待立名。故淨名經云。法無有比。無相待故。明與無明。凡夫見二。智者了達。其性無二。無二之性。卽是實性。實性者。處凡愚而不滅。在賢聖而不增。住惱煩而不亂。居禪定而不寂。不斷不常。不來不去。不在中間。及其內外。不生不滅。性相如如。常住不遷。名之曰道。簡曰。師說不生不滅。何異外道。祖曰。外道所

說不生不滅者。將滅止生。以生顯滅。滅猶不滅。生說不生。我說不生不滅者。本自無生。今亦不滅。所以不同外道。汝若欲知心要。但一切善惡都莫思量。自然得入清淨心體。湛然常寂。妙用恆沙。簡蒙指教。豁然大悟。禮辭歸闕。表奏師語。詔加褒美。祖說偈曰。一切無有真。不以見於真。若見於真者。是見盡非真。若能自有真。離假卽心真。自心不離假。無真何處真。有情卽解動。無情卽不動。若脩不動行。同無情不動。若覓真不動。動上有不動。不動

是不動。無情無佛種。善能分別相。第一義不動。但作如此見。卽是真如用。報諸學道人。努力須用意。莫於大乘門。却執生死智。若言下相應。卽共論佛義。若實不相應。合掌令歡喜。此宗本無諍。諍卽失道意。執逆諍法門。自性入生死。

秦跋陀禪師

問生法師講何經論。生曰。大般若經。師曰。作麼生說色空義。曰。衆微聚曰色。衆微無自性曰空。師曰。衆微未聚。喚作甚麼。生罔措。師又問別講何經論。

御選寶筏精華

卷上

二十

曰。大涅槃經。師曰。如何說涅槃之義。曰。涅槃而不生。樂而不滅。不生不滅。故曰涅槃。師曰。這個是如來涅槃。那個是法師涅槃。曰。涅槃之義。豈有二耶。某甲祇如此。未審禪師如何說涅槃。師拈起如意曰。還見麼。曰。見。師曰。見個甚麼。曰。見禪師手中如意。師將如意擲於地曰。見麼。曰。見。師曰。見個甚麼。曰。見禪師手中如意墮地。師斥曰。觀公見解。未出常流。何得名喧宇宙。拂衣而去。其徒懷疑不已。乃追師扣問。我師說色空涅槃不契。未審禪師如何說。

色空義。師曰。不道汝師說得不是。汝師祇說得果上色空。不會說因中色空。其徒曰。如何是因中色空。師曰。一微空故。衆微空。衆微空故。一微空。一微空中無衆微。衆微空中無一微。

寶誌禪師

師問一梵僧。承聞尊者。喚我作屠兒。曾見我殺生麼。曰。見。師曰。有見見。無見見。不有不無見。若有見見。是凡夫見。無見見。是聲聞見。不有不無見。是外道見。未審尊者如何見。梵僧曰。你有此等見耶。

御選寶筏精華

卷上

二十一

師垂語曰。終日拈香。擇火。不知身是道場。又曰。京都鄴都浩浩。還是菩提大道。又曰。如我身空。諸法空。千品萬類。悉皆同。

迷悟不二頌。迷時以空爲色。悟卽以色爲空。迷悟本無差別。色空究竟還同。愚人喚南作北。智者達無西東。欲覓如來妙理。常在一念之中。陽燄本非其水。渴鹿狂趣念念。自身虛假不實。將空更欲覓空。世人迷倒至甚。如犬吠雷。吐吐。

大乘讚七首。大道常在目前。雖在目前難覩。若

欲悟道真體。莫除聲色言語。言語卽是大道。不假
斷除煩惱。煩惱本來空寂。妄情遞相纏繞。一切如
影如響。不知何惡何好。有心取相爲實。定知見性
不了。若欲作業求佛。佛是生死大兆。生死業常隨
身。黑闇獄中未曉。悟理本來無異。覺後誰晚誰早。
法界量同太虛。衆生智心自小。但能不起吾我。涅
槃法食常飽。一妄身臨鏡照影。影與妄身不殊。但
欲去影留形。不知身本同虛。身本與影不異。不得
一有一無。若欲存一捨一。未與直理相疎。更若愛

聖憎凡。生死海裏沈浮。煩惱因心有故。無心煩惱
何居。不勞分別取相。自然得道須臾。夢時夢中造
作。覺時覺境都無。翻思覺時與夢。顛倒二見不殊。
改迷取覺求利。何異販賣商徒。動靜兩忘常寂。自
然契合眞如。若言衆生異佛。迢迢與佛常疎。佛與
衆生不二。自然究竟無餘。二法性本來常寂。蕩蕩
無有邊畔。安心取捨之間。被他二境廻換。斂容入
定坐禪。攝境安心覺觀。機關木人修道。何時得達
彼岸。諸法本空無著。境似浮雲會散。忽悟本性元

空恰似熱病得汗。無智人前莫說。打你色身星散。
三報你衆生直道。非有卽是非無。非有非無不二。
何須對有論虛。有無妄心立號。一破一個不居。兩
名由爾情作。無情卽是真如。若欲存情覓佛。將網
山上羅魚。徒費工夫無益。幾許枉用工夫。不解卽
心卽佛。真似騎驢覓驢。一切不憎不愛。這個煩惱
須除。除之則須除身。除身無佛無因。無佛無因可
得。自然無法無人。四內見外見總惡。佛道魔道俱
錯。被此二大波旬。便見厭苦求樂。生死悟本體空。

御選寶筏精華

卷上

二十三

佛魔何處立脚。只由妄情分別。前身後身孤薄。輪
迴六道不停。結業不能除却。衆生身同太虛。煩惱
何處安著。但無一切希求。煩惱自然銷落。五世間
幾許癡人。將道復欲求道。廣尋諸義紛紛。自救已
身不了。專尋他文亂說。自稱至理妙好。徒勞一生
虛過。末劫沉淪生老。濁愛纏心不捨。清淨智心自
惱。真如法界叢林。反作荊棘荒草。但執黃葉爲金。
不悟棄金求寶。所以失念狂走。強力裝持相好。口
內誦經誦論。心裏尋常枯槁。一朝覺本心空。具足

眞如不少。^六聲聞心心斷惑。能斷之心是賊。賊賊
遞相除遣。何時了本語默。口內誦經千卷。體上問
經不識。不解佛法圓通。徒勞尋行數墨。頭陀阿練
苦行。希望後身功德。希望卽是隔聖。大道何由可
得。譬如夢裏渡河。船師渡過河北。忽覺牀上安眠。
失却渡船規則。船師及彼渡人。兩個本不相識。衆
生迷倒羈絆。往來三界疲極。覺悟生死如夢。一切
求心自息。^七

布袋和尚

御選寶筏精華

卷上

二十四

師有偈曰。我有一布袋。虛空無罣礙。展開徧十方。
入時觀自在。吾有三寶堂。裏空無色相。不高亦不
低。無遮亦無障。學者體不如。求者難得樣。智慧解
安排。千中無一匠。四門四果生。十方盡供養。吾有
一軀佛。世人皆不識。不塑亦不裝。不雕亦不刻。無
一滴灰泥。無一點彩色。人畫畫不成。賊偷偷不得。
體相本自然。清淨非拂拭。雖然是一軀。分身千百
億。

又偈曰。彌勒眞彌勒。分身千百億。時時示時人。時

人自不識。

南嶽慧思禪師

師示衆曰。道源不遠。性海非遙。但向已求。莫從他覓。覓卽不得。得亦不真。

偈曰。頓悟心源開寶藏。隱顯靈通現真相。獨行獨坐常巍巍。百億化身無數量。縱令逼塞滿虛空。看時不見微塵相。可笑物兮無比况。口吐明珠光晃晃。尋常見說不思議。一語標名言下當。

又偈曰。天不能蓋地不能載。無去無來無障礙。無

御選寶筏精華

卷上

二十五

長無短無青黃。不在中間及內外。超羣出衆太虛元。指物傳心人不會。

清凉澄觀國師

師答皇太子問心要書。其詞曰。至道本乎一心。心法本乎無住。無住心體。靈知不昧。性相寂然。包含德用。該攝內外。能深能廣。非有非空。不生不滅。無終無始。求之而不得。棄之而不離。迷現量。則惑苦紛然。悟真性。則空明廓徹。雖卽心卽佛。惟證者方知。然有證有知。則慧日沉沒於有地。若無照無悟。

則昏雲掩蔽於空門。若一念不生。則前後際斷。照體獨立。物我皆如。直造心源。無智無得。不取不捨。無對無脩。然迷悟更依。眞妄相待。若求真棄妄。猶棄影勞形。若體妄卽眞。猶處陰影滅。若無心忘照。則萬慮都捐。若任運寂知。則衆行爰起。放曠任其去住。靜鑒覺其源流。語默不失元微。動靜未離法界。言止則雙忘。知寂論觀則雙照。寂知語證則不可示人。說理則非證不了。是以悟寂無寂。眞知無知。以知寂不二之一心。契空有雙融之中道。無住

御選寶筏精華

卷上

二十六

無著。莫攝莫收。是非兩忘。能所雙絕。斯絕亦寂。則般若現前。般若非心外新生。智性乃本來具足。然本寂不能自現。實由般若之功。般若之與智性。翻覆相成。本智之與始脩。實無兩體。雙忘證入。則妙覺圓明。始末該融。則因果交徹。心心作佛。無一心而非佛心。處處成道。無一塵而非佛國。故眞妄物我舉一全收。心佛衆生。渾然齊致。是知迷則人隨於法。法法萬差。而人不同。悟則法隨於人。人人一智而融萬境。言窮慮絕。何果何因。體本寂寥。孰同

孰異。惟忘懷虛朗。消息冲融。其猶透水月華。虛而可見。無心鑒象。照而常空矣。

馬祖道一禪師

師一日謂衆曰。夫求法者。應無所求。心外無別佛。佛外無別心。不取善。不捨惡。淨穢兩邊。俱不依怙。達罪性空。念念不可得。無自性故。故三界惟心。森羅萬象。一法之所印。凡所見色。皆是見心。心不自心。因色故有。汝但隨時言說。卽事卽理。都無所礙。菩提道果。亦復如是。於心所生。卽名爲色。知色空御選寶筏精華

卷上

二十七

故。生卽不生。若了此意。乃可隨時著衣喫飯。長養聖胎。任運過時。更有何事。

龐居士問。不昧本來人。請師高著眼。師直下覷。士曰。一種沒弦琴。唯師彈得妙。師直上覷。士禮拜。師歸方丈。士隨後曰。適來弄巧成拙。

石頭希遷禪師

一日青原問師曰。有人道嶺南有消息。師曰。有人不道嶺南有消息。曰若恁麼。大藏小藏從何而來。師曰。盡從這裏去。原然之。

僧問如何是解脫。師曰。誰縛汝。問如何是淨土。師曰。誰垢汝。問如何是涅槃。曰。誰將生死與汝。

師問新到從甚麼處來。曰。江西來。師曰。見馬大師否。曰。見。師乃指一椽柴。曰。馬師何似這個。僧無對。却回舉似馬祖。祖曰。汝見椽柴大小。曰。沒量大。祖曰。汝甚有力。曰。何也。祖曰。汝從南嶽負一椽柴來。豈不是有力。

問如何是禪。師曰。碌。問如何是道。師曰。木頭。上堂。吾之法門。先佛傳授。不論禪定精進。唯達佛。

御選寶筏精華

卷上

二十八

之知見。卽心卽佛。心佛衆生。菩提煩惱。名異體一。汝等當知自己心靈。體離斷常。性非垢淨。湛然圓滿。凡聖齊同。應用無方。離心意識。三界六道。惟自心現。水月鏡像。豈有生滅。汝能知之。無所不備。

南陽慧忠國師

師問紫璘供奉佛是甚麼義。曰。覺義。師曰。佛會迷否。曰。不曾迷。師曰。用覺作麼。

供奉註思益經。師曰。凡註經須會佛義始得。曰。若不。會佛意。爭解註經。師令侍者盛一椀水。中著七。

粒米。椀面安一隻箸。問奉是甚麼義。奉無語。師曰。老僧意尚不會。何況佛意。

常州僧靈覺問曰。發心出家。本擬求佛。未審如何用心。卽得。師曰。無心可用。卽得成佛。曰。無心可用。阿誰成佛。師曰。無心自成佛。成佛亦無心。曰。無心卽成佛。和尚卽今成佛未。師曰。心尚自無。誰言成佛。若有佛可成。還是有心。有心卽有漏。何處得無心。曰。旣無佛可成。和尚還得佛用否。師曰。心尚自無。用從何有。曰。茫然都無。莫落斷見否。師曰。本來無見。阿誰道斷。曰。本來無見。莫落空否。師曰。無空可落。曰。有可墮否。師曰。空旣是無。墮從何立。曰。山中逢見虎狼。如何用心。師曰。見如不見。來如不來。彼卽無心。惡獸不能加害。曰。寂然無事。獨脫無心。名爲何物。師曰。名金剛大士。曰。金剛大士有何體段。師曰。本無形段。曰。旣無形段。喚何物作金剛大士。師曰。喚作無形段。金剛大士。曰。金剛大士有何功德。師曰。一念與金剛相應。能滅兢伽沙劫生死重罪。得見兢伽沙諸佛。其金剛大士功德無量。非

口所說。非意所陳。無人能破壞者。更不須問。任意游行。獨脫無畏。常有河沙賢聖之所覆護。所在之處。常得河沙天龍八部之所恭敬。河沙善神來護。未無障礙。何處不得逍遙。

僧問。古德云。青青翠竹。盡是法身。鬱鬱黃花。無非般若。有人不許。云是邪說。亦有信者。云不思議。不知若爲。師曰。此蓋普賢文殊境界。非諸凡小。而能信受。皆與大乘了義經意合。故華嚴經云。佛身充滿於法界。普現一切羣生前。隨緣赴感。靡不周。而御選寶筏精華。卷上

三十一

常處此菩提座。翠竹既不出于法界。豈非法身乎。又般若經云。色無邊故。般若亦無邊。黃花既不越於色。豈非般若乎。深遠之言。不省者。難爲措意。於是禪客作禮而去。

僧問。若爲得成佛去。師曰。佛與衆生。一時放却。當處解脫。曰。作麼生得相應去。師曰。善惡不思。自見佛性。曰。若爲得證法身。師曰。越毘盧之境界。曰。清淨法身。作麼生得。師曰。不著佛求耳。曰。阿那個是佛。師曰。卽心是佛。曰。心有煩惱否。師曰。煩惱性自

離曰豈不斷耶。師曰斷煩惱者卽名二乘。煩惱不生名大涅槃。曰坐禪看靜此復若爲。師曰不垢不淨。寧用起心而看淨相。曰禪師見十方虛空是法身否。師曰以想心取之則是顛倒見。曰卽心是佛。還用脩萬行否。師曰諸聖尚皆具二嚴。豈可撥無因果耶。

末嘉元覺禪師

君不見絕學無爲閒道人。不除妄想不求真。無明實性卽佛性。幻化空身卽法身。法身覺了無一物。

御選寶筏精華

卷上

三十一

本源自性天真佛。五陰浮雲空去來。三毒水泡虛出沒。證實相無人法。剎那滅却阿鼻業。頓覺了如來禪。六度萬行體中圓。夢裏明明有六趣。覺後空空無大千。放四大莫把捉。寂滅性中隨飲啄。諸行無常一切空。卽是如來大圓覺。摩尼珠人不識。如來藏裏親收得。六般神用空不空。一顆圓光色非色。淨五眼得五力。惟證乃知難可測。三身四智體中圓。八解六通心地印。上士一決一切了。中下多聞多不信。但自懷中解垢衣。誰能向外

誇精進。宗亦通。說亦通。定慧圓明不滯空。非但我今獨達了。恆沙諸佛體皆同。師子吼。無畏說。百獸聞之皆腦裂。香象奔波失却威。天龍寂聽生欣悅。覺卽了。不施功。一切有爲法不同。住相布施生天福。猶如仰箭射虛空。勢力盡。箭還墜。招得來生不如意。爭似無爲實相門。一超直入如來地。但得本。莫愁末。如淨琉璃含寶月。既能解此如意珠。自利利他終不竭。江月照。松風吹。末夜清宵何所爲。佛性戒珠心地印。霧露雲霞體上衣。不求真。

御選寶筏精華

卷上

三十二

不斷妄。了知二法空。無相。無相無空。無不空。卽是如來真實相。心鏡明。鑒無礙。廓然瑩徹周沙界。萬象森羅影現中。一顆圓光非內外。豁達空。撥因果。莽莽蕩蕩招殃禍。棄有著空病亦然。還如避溺而投火。捨妄心。取真理。取捨之心成巧僞。學人不用脩行。深成認賊將爲子。損法財。滅功德。莫不由斯心意識。是以禪門了却心。頓入無生知見力。一性圓通一切性。一法徧含一切法。一月普現一切水。一切水月一月攝。諸佛法身入我性。我性同。

共如來合。一地具足一切地。非色非心非行業。彈指圓成八萬門。剎那滅却三祇劫。一切數句非數句。與吾靈覺何交涉。不可毀。不可讚。體若虛空。勿涯岸。不離當處常湛然。覓卽知君不可見。取不得。捨不得。不可得中只麼得。默時說。說時默。大施門開無壅塞。有人問我解何宗。報道摩訶般若力。或是或非人不識。逆行順行天莫測。心是根。法是塵。兩種猶如鏡上痕。痕垢盡除光始現。心法雙忘性卽真。執指爲月枉施功。根境法中虛捏恠。不

御選寶筏精華

卷上

三十三

見一法卽如來。方得名爲觀自在。了卽業障本來空。未了應須還夙債。法中王。最高勝。恆沙如來同共證。我今解此如意珠。信受之者皆相應。了見無一物。亦無人。亦無佛。大千沙界海中漚。一切聖賢如電拂。假使鐵輪頂上旋。定慧圓明終不失。日可冷。月可熱。衆魔不能壞真說。大象不遊於兔徑。大悟不拘於小節。莫將管見謗蒼蒼。未了吾今爲君說。

山南溫造尚書問。悟理息妄之人。不復結業。一期壽終之後。靈性何依。師曰。一切衆生。無不具有覺性。靈明空寂。與佛何殊。但以無始劫來。未曾了悟。妄執身爲我相。故生愛惡等情。隨情造業。隨業受報。生老病死。長劫輪迴。然身中覺性。未曾生死。如夢被驅役。而身本安閒。如水作冰。而濕性不易。若能悟此性。卽是法身。本自無生。何有依托。靈靈不昧。了了常知。無所從來。亦無所去。然多生妄執。習以性成。喜怒哀樂。微細流注。眞理雖然頓達。此情

御選寶筏精華

卷上

三十四

難以卒除。須常覺察。損之又損。如風頓止。波浪漸停。豈可一生所脩。便同諸佛力用。但可以空寂爲自體。勿認色身。以靈知爲自心。勿認妄念。妄念若起。都不隨之。卽臨命終時。自然業不能繫。雖有中陰。所向自由。天上人間。隨意寄托。若愛惡之念已泯。卽不受分段之身。自能易短爲長。易粗爲妙。宗密有八句偈。顯示此意。於尚書處誦之。偈曰。作有義事。是惺悟心。作無義事。是狂亂心。狂亂隨情念。臨終被業牽。惺悟不由情。臨終能轉業。情中欲

作。而察理不應。卽須便止。情中不欲作。而照理相應。卽須便作。但由是非之理。不由愛惡之情。卽臨命終時業不能繫。隨意自在。天上人間也。通而言之。但朝暮之間。所作被情塵所牽。卽臨終被業所牽。而受生。若所作所爲。由于覺智。不由情塵。卽臨終由我自在。而受生。不由業也。當知欲驗臨終受生自在不自在。但驗尋常行心於塵境自由自由。

百丈懷海禪師

御選寶筏精華

卷上

三十五

馬祖一日問師甚麼處來。師曰。山後來。祖曰。逢著一人麼。曰。不逢著。祖曰。爲甚麼不逢著。曰。若逢著。卽舉似和尚。祖曰。甚麼處得這消息來。曰。某甲。罪過。祖曰。却是老僧罪過。

師謂衆曰。有一人長不喫飯。不道饑。有一人終日喫飯。不道飽。

師令僧去章敬處。見伊上堂說法。你便展開坐具禮拜。起將一隻鞋。以袖拂却上塵。倒頭覆下。其僧到章敬。一依師旨。章敬云。老僧罪過。

僧問抱璞投師。請師一鑑。師曰。昨夜南山虎齧大虫。曰。不謬真詮。爲甚麼不垂方便。師曰。掩耳偷鈴。漢曰。不遇中郎鑑。還同野舍薪。師便打。僧曰。蒼天蒼天。師曰。得與麼多口。曰。罕遇知音。拂袖便行。師曰。百丈今日輪却一半。

南泉普願禪師

師玩月次。僧問。幾時得似這個去。師曰。王老師二十年前。亦恁麼來。曰。卽今作麼生。師便歸方丈。師問黃檗定慧等學。明見佛性。此理如何。檗曰。十

御選寶筏精華

卷上

三十六

二時中不依倚一物。師曰。莫是長老見處麼。檗曰。不敢。師曰。漿水錢且置。草鞋錢教阿誰還。

陸大夫向師道。肇法師也。甚奇怪。解道天地與我同根。萬物與我一體。師指庭前牡丹花曰。大夫。時人見此一株花。如夢相似。陸罔測。

僧問師歸丈室。將何指南。師曰。昨夜三更失却牛。天明起來失却火。

師示衆云。喚作如如。早是變了也。如今師僧。須向異類中行。歸宗云。雖行畜生行。不得畜生報。師云。

孟八郎漢。又與麼去也。

師問僧云。夜來好風。僧云。夜來好風。師云。吹折門前一株松。僧云。吹折門前一株松。次問一僧云。夜來好風。僧云。是甚麼風。師云。吹折門前一株松。僧云。是甚麼松。師云。一得一失。

師在方丈。與杉山向火次。師曰。不用指東指西。直下本分事道來。杉山插火箸叉手。師曰。雖然如是。猶較王老師一線道。

鹽官安國師

御選寶筏精華

卷上

三十七

僧問。如何是本身盧舍那。師曰。與老僧過淨瓶來。僧將淨瓶至。師曰。却安舊處著。僧送至舊處。復來詰問。師曰。古佛過去久矣。

歸宗智常禪師

師嘗與南泉同行。後忽一日相別。煎茶次。南泉問曰。從來與師兄商量語句。彼此已知。此後或有人問。畢竟事作麼生。師曰。這一片地大好卓菴。南泉曰。卓菴且置。畢竟事作麼生。師乃打翻茶鉢。便起。南泉曰。師兄喫茶了。普願未喫茶。師曰。作這個語。

話滴水也難消。

寶積禪師

上堂。夫心月孤懸。光吞萬象。光非照境。境亦非存。光境俱亡。復是何物。

上堂。禪德可中學道。似地擎山。不知山之孤峻。如石含玉。不知玉之無瑕。若如此者。是名出家。故導師云。法本不相礙。三際亦復然。無爲無事人。猶是金鎖難。所以靈源獨耀。道絕無生。大智非明。真空無跡。眞如凡聖。皆是夢言。佛及涅槃。並爲增語。禪

御選寶筏精華

卷上

三十八

德。直須自看。無人替代。

上堂。三界無法。何處求心。四大本空。佛依何住。瘡癩不動。寂而無言。覲面相呈。更無餘事。珍重。

石鞏慧藏禪師

師問西堂。汝還解捉得虛空麼。西堂曰。捉得。師曰。作麼生捉。西堂以手撮虛空。師曰。汝不解捉。西堂却問。師兄作麼生捉。師把西堂鼻孔拽。西堂作忍痛聲曰。太煞拽人鼻孔。直欲脫去。師曰。直須恁麼捉虛空始得。

鷺湖大義禪師

唐憲宗詔入麟德殿論義。有法師問。欲界無禪。禪居色界。此土憑何而立禪。師曰。法師祇知欲界無禪。不知禪界無欲。曰。如何是禪。師以手點空。法師無對。帝曰。法師講無窮經論。祇這一點尚不奈何。師却問諸碩德曰。行住坐臥。畢竟以何爲道。有對知者是道。師曰。不可以智知。不可以識識。安得知者是乎。有對無分別者是。師曰。善能分別諸法。相於第一義而不動。安得無分別是乎。有對四禪八

御選寶筏精華

卷上

三十九

定是。師曰。佛身無爲。不墮諸數。安在四禪八定耶。衆皆杜口。

伏牛自在禪師

上堂曰。卽心卽佛。是無病求藥句。非心非佛。是藥病對治句。僧問。如何是脫灑底句。師曰。伏牛山下古今傳。

興善惟寬禪師

僧問。狗子還有佛性否。師曰。有。曰。和尚還有否。師曰。我無。曰。一切衆生皆有佛性。和尚因何獨無。師

曰。我非一切衆生。曰。旣非衆生。莫是佛否。師曰。不是佛。曰。究竟是何物。師曰。亦不是物。曰。可見可思否。師曰。思之不及。議之不得。故曰。不可思議。問道在何處。師曰。祇在目前。曰。我何不見。師曰。汝有我故。所以不見。曰。我有我故。卽不見。和尚還見否。師曰。有汝有我。展轉不見。曰。無我無汝。還見否。師曰。無汝無我。阿誰求見。

藥山惟儼禪師

師叅禮馬祖。於言下契悟。便禮拜。祖曰。你見甚麼。

御選寶筏精華

卷上

四十

道理便禮拜。師曰。某甲在石頭處。如蚊子上鐵牛。祖曰。汝旣如是。善自護持。

侍奉三年。一日祖問。子近日見處作麼生。師曰。皮膚脫落盡。惟有一眞實。祖曰。子之所得。可謂協於心體。布於四肢。旣然如是。將三條篋束。取肚皮。隨處住山去。師曰。某甲又是何人。敢言住山。祖曰。不然。未有常行而不住。未有常住而不行。欲益無所益。欲爲無所爲。宜作舟航。無久住此。師乃辭祖返石頭。

石頭垂語曰。言語動用沒交涉。師曰。非言語動用。亦沒交涉。頭曰。我這裏針劄不入。師曰。我這裏如石上栽花。頭然之。

坐次。道吾雲巖侍立。師指按山上枯榮二樹。問道。吾曰。枯者是。榮者是。吾曰。榮者是。師曰。灼然一切處。光明燦爛去。又問雲巖。枯者是。榮者是。巖曰。枯者是。師曰。灼然一切處。放教枯澹去。高沙彌忽至。師曰。枯者是。榮者是。彌曰。枯者從他枯。榮者從他榮。師顧道吾雲巖曰。不是不是。

御選寶筏精華

卷上

四十一

師坐次。僧問兀兀地思量甚麼。師曰。思量個不思量底。曰。不思量底如何思量。師曰。非思量。

黃檗希運禪師

師曰。夫學道者。若以一切時中。心有常見。卽是常見外道。若觀一切法空。作空見者。卽是斷見外道。所以三界唯心。萬法唯識。若但不說本。祇說末。不說迷。祇說悟。不說體。祇說用。總無你話論處。他一切法。且本不有。今亦不無。緣起不有。緣滅不無。本亦不有。本非本故。心亦不心。心非心故。相亦非相。

相非相故。所以道無法無本心。始解心心法。法卽非法。非法卽法。無法無非法。故是心心法。旣若如此。故知一切法性自爾。卽不用愁他慮他。如言前念是凡。後念是聖。如手翻覆一般。此是三乘教之極也。據我禪宗中。前念且不是凡。後念且不是聖。前念不是佛。後念不是衆生。所以一切色是佛色。一切聲是佛聲。舉著一理。一切理皆然。見一事見一切事。見一心見一切心。見一道見一切道。一切處無不是道。見一塵。十方世界山河大地皆然。見

御選寶筏精華

卷上

四十二

一滴水。卽見十方世界一切性水。又見一切法。卽見一切心。一切法本空。心卽不無。不無卽妙。有。有亦不有。不有卽有。卽真空妙有。旣若如是。十方世界。不出我之一心。一切微塵國土。不出我之一念。若然。說甚麼內之與外。如蜜性甜。一切蜜皆然。世間出世間。乃至六道四生。山河大地。有性無性。元同一體。言同者。各相亦空。有亦空。無亦空。盡恆沙世界。原是一空。故達摩大師。從西天來。至此土。經多少國土。祇覓得可大師一人。密傳心印。印你本

心。以心印法。以法印心。心既如此。法亦如此。同真際。等法性。法性空中。誰是授記人。誰是成佛人。誰是得法人。他分明向你道。菩提者不可以身得。身無相故。不可以心得。心無相故。不可以性得。性卽便是。本源自性。天真佛故。不可以佛更得佛。不可以無相更得無相。不可以空更得空。不可以道更得道。本無所得。無得亦不可得。所以道無一法可得。祇教你了取本心。當下時。不得了相。無了無不了相。亦不可得。如此之法。得者卽得。得者不自覺知。不得者亦不自覺知。如此之法。從上已來。有幾人得知。所以道。天下忘己者有幾人。

師云。凡人多爲境礙。心事礙理。常欲逃境以安心。屏事以存理。不知乃是心礙境。理礙事。但令心空。境自空。但令理寂。事自寂。勿倒用心也。凡人多不肯空心。恐落於空。不知自心本空。愚人除事不除心。智者除心不除事。

一日云。學般若人。不見有一法可得。絕意三乘。惟一真實。不可云證得。謂我能證能得。皆增上慢人。

法華會上拂衣而去者。皆斯徒也。故佛言我於菩提。實無所得。默契而已。凡人臨欲終時。但觀五蘊皆空。四大無我。真心無恆。不去不來。生時性亦不來。死時性亦不去。湛然圓寂。心境一如。但能如是。直下頓了。不爲三界所拘繫。便是出世人也。切不可得有分毫趣向。若見善相。諸佛來迎。及種種現前。亦無心隨去。若見惡相。種種現前。亦無心怖畏。但自忘心。同於法界。便得自在。此卽是要節也。

問聖人無心卽是佛。凡夫無心。莫沉空寂否。師云。法無凡聖。亦無沉寂。法本不有。莫作無見。法本不無。莫作有見。有之與無。盡是情見。猶如幻翳。所以云。見聞如幻翳。知覺乃衆生。祖師門中。只論息機忘見。所以忘機則佛道隆。分別則魔軍熾。

清田和尚

師與瑄上座煎茶次。師敲繩牀三下。瑄亦敲三下。師曰。老僧敲有箇善巧。上座敲有何道理。瑄曰。某甲敲有個方便。和尚敲作麼生。師舉起盞子。瑄曰。善知識眼。應須恁麼。茶罷。瑄却問和尚適來舉起。

蓋子意作麼生。師曰。不可更別有也。

趙州從諗禪師

師問南泉。如何是道。泉云。平常心是。師云。還可趣向也。不。泉云。擬卽乖。師云。不擬爭知是道。泉云。道不屬知。不知。知是妄覺。不知是無記。若真達不疑之道。猶如太虛。廓然蕩豁。豈可強是非也。師於言下頓悟元旨。心如朗月。

師上堂謂衆曰。此事的的沒量大人。出這裏不得。老僧到瀉山。一僧問如何是祖師西來意。瀉山云。

御選寶筏精華

卷上

四十五

與我將牀子來。若是宗師。須以本分事接人。始得。時有僧問。如何是祖師西來意。師云。庭前柏樹子。學云。和尚莫將境示人。師云。我不將境示人。云。如何是祖師西來意。師云。庭前柏樹子。師又云。老僧九十年前。見馬祖大師。下八十餘員善知識。個個俱是作家。不似如今知識。枝蔓上生枝蔓。都大是去聖遙遠。一代不如一代。只如南泉尋常道。須向異類中行。且作麼生會。如今黃口小兒。向十字街頭說葛藤。博飯噉。覓禮拜。聚三五百衆。云我是善。

知識。你是學人。

僧問。如何是清淨伽藍。師云。丫角女子。如何是伽藍中人。師云。丫角女子有孕。

問法無別法。如何是法。師云。外空內空內外空。

問十二時中如何用心。師云。你被十二時使。老僧使得十二時。你問那個時。

問如何是法非法。師云。東西南北。學云。如何會去。師云。上下四維。

問趙州去。鎮府多少。師云。二百。學云。鎮府來趙州多少。師云。不隔。

御選寶筏精華 卷上

問如何是學人自己。師云。還見庭前柏樹子麼。

問如何得不被諸境惑。師垂一足。僧便出鞋。師收起足。僧無語。

問善惡惑不得底人。還獨脫也無。師云。不獨脫。學云。爲什麼不獨脫。師云。正在善惡裏。

問如何是佛。如何是衆生。師云。衆生卽是佛。佛卽是衆生。學云。未審兩個那個是衆生。師云。問問。

問如何是衲衣下事。師云。莫自瞞。

問如何是趙州。師云。東門。西門。南門。北門。
問如何是定。師云。不定。學云。爲什麼不定。師云。活
物活物。

問如何是通方。師云。離却金剛禪。

問如無佛無人處。還有脩行也無。師云。除却者兩
個。有百千萬億。學云。道人來時在什麼處。師云。你
與麼卽不脩行也。僧禮拜。師云。大有處著你在。

問如何是法身。師云。應身。云。學人不問應身。師云。
你但管應身。

御選寶筏精華

卷上

四十七

問空劫中阿誰爲主。師云。老僧在裏許坐。學云。說
甚麼法。師云。說你問底。

問三身中那個是本來身。師云。闕一不可。

問明眼人見一切。還見色也無。師云。打却著。學云。
如何打得。師云。莫用力。學云。不用力。如何打得。師
云。若用力卽乖。

問如何是毘盧向上事。師云。老僧在你脚底。云。和
尚爲甚麼在學人脚底。師云。你元來不知有向上
事。

問未審出家誓求無上菩提時如何。師云。未出家被菩提使。既出家使得菩提。

問如何是祖師西來意。師云。牀脚是。云莫便是也。無。師云。是卽脫取去。

問澄澄絕點時如何。師云。老僧者裏不著客作漢。問如何是和尚的家風。師云。老僧自小出家。抖擻破活計。

問諸佛還有師也無。師云。有。云如何是諸佛師。師云。阿彌陀佛。阿彌陀佛。

御選寶筏精華

卷上

四十八

問諸方盡向口裏道。和尚如何示人。師脚跟打火。爐示之。云莫便是也。無。師云。恰認得老僧脚跟。問如何是和尚家風。師云。茫茫宇宙人無數。云請和尚不答話。師云。老僧合與麼。

問如何是學人自己。師云。喫粥了也未。云喫粥也。師云。洗鉢盂去。

問柏樹子還有佛性也無。師云。有。云幾時成佛。師云。待虛空落地。云虛空幾時落地。師云。待柏樹子成佛。

問如何是伽藍。師云。三門佛殿。

問如何是不生不滅。師云。本自不生。今亦無滅。

問如何是趙州主。師云。州裏大王是。

師示衆云。老僧三十年前。在南方火爐頭有個無
賓主話。直至如今無人舉著。

問大耳三藏第三度覓國師不見。未審國師在什
麼處。師云。在三藏鼻孔裏。

問久居巖谷時如何。師云。何不隱去。

問萬里無店時如何。師云。禪院裏宿。

御選寶筏精華

卷上

四十九

問開口是有爲。如何是無爲。師以手示之云。者個
是無爲。云者個是有爲。如何是無爲。師云。無爲云
者個是有爲。師云。是有爲。

問和尚還爲人也無。師云。佛佛。

問不見邊表時如何。師云。因什麼與麼。

問四山相逼時如何。師云。無出跡。

問如何是三界外人。師云。爭奈老僧在三界內。

問如何是異類中行。師云。唵啞唵唵啞唵。

問如何是沙門行。師展手拂衣。

師問新到從什麼處來。云南方來。師云。還知有趙州關麼。云須知趙州關者。師叱云。者。販私鹽漢。又云。兄弟。趙州關也難過。云如何是趙州關。師云。石橋是。

師問僧你在此間多少時也。云七八年。師云。還見老僧麼。云見。師云。我作一頭驢。你作麼生見。云入法界見。師云。將謂你有此一著。枉喫了如許多飯。僧云。請和尚道。師云。因什麼不道。向草料裏見。

因鎮州大王來訪師。侍者來報師云。大王來。師云。御選寶筏精華。卷上。五十一
大王萬福。侍者云。未在。方到三門下。師云。又道大王來也。

師行脚時。問大慈般若。以何爲體。慈曰。般若以何爲體。師便呵呵大笑而出。大慈來日見師掃地。次問般若。以何爲體。師放下掃帚。呵呵大笑而去。大慈便歸方丈。

因見諸方見解異途。乃有頌呵。

趙州南。石橋北。觀音院裏有彌勒。祖師遺下一隻履。直至如今覓不得。

寒山居士

巖前獨靜坐。圓月當天耀。萬象影現中。一輪本無照。廓然神自清。含虛洞元妙。因指見其月。月是心樞要。

水清澄澄瑩。徹底自然見。心中無一事。萬境不能轉。心既不妄起。未劫無改變。若能如是知。是知無背面。

寒巖深更好。無人行此道。白雲高岫閒。青嶂孤猿嘯。我更何所親。暢志自宜老。形容寒暑遷。心珠甚可保。

御選寶筏精華

卷上

五十一

吾家好隱淪。居處絕囂塵。踐草成三徑。瞻雲作四鄰。助歌聲有鳥。問法語無人。今日娑婆樹。幾年爲一春。

人問寒山道。寒山路不通。夏天冰未釋。日出霧朦朧。似我何由屈。與君心不同。君心若似我。還得到其中。

報汝脩道者。進求虛勞神。人有精靈物。無字復無文。呼時歷歷應。隱虛不居存。叮嚀善保護。勿令有

點痕。

凡讀我詩者。心中須護淨。慳貪繼日廉。詔曲登時正。驅除遣惡業。歸依受真性。今日得佛身。急急如律令。

慣居幽隱處。乍向國清中。時訪豐干老。仍來看捨公。獨回上寒巖。無人話合同。尋究無源水。源窮水不窮。

益者益其精。可名爲有益。易者易其形。是名爲有易。能益復能易。當得上仙籍。無益復無易。終不免。

御選寶筏精華

卷上

五十二

死厄。

我今有一襦。非羅復非綺。借問作何色。不紅亦不紫。夏天將作衫。冬天將作被。冬夏遞互用。長年只者是。

余家有一窟。窟中無一物。淨潔空堂堂。光華明日月。蔬食養微軀。布裘遮幻質。任你千聖現。我有天真佛。

一瓶鑄金成。一瓶埏泥出。二瓶任君看。那個瓶牢實。欲知瓶有二。須知業非一。將此驗生因。脩行在。

今日。

二儀既開闢。人乃居其中。迷汝卽吐霧。醒汝卽吹
風。惜汝卽富貴。奪汝卽貧窮。碌碌羣漢子。萬事由
天公。

吾心似秋月。碧潭清皎潔。無物堪比倫。教我如何
說。

碧澗泉水清。寒山月華白。默知神自明。觀空境逾
寂。

瞋是心中火。能燒功德林。欲行菩薩道。忍辱護真

御選寶筏精華

卷上

五十三

心。

閒自訪高僧。烟山萬萬層。師親指歸路。月挂一輪
燈。

閒遊華頂上。天朗月光輝。四顧晴空裏。白雲同鶴
飛。

身著空花衣。足躡龜毛履。手把兔角弓。擬射無明
鬼。

多少天台人。不識寒山子。莫知真意度。喚作閒言
語。

我家本住在寒山。石巖棲息離煩緣。泯時萬象無
痕跡。舒處周流徧大千。光影騰輝照心地。無有一
法當現前。方知摩尼一顆珠。解用無方處處圓。
余家本住在天台。雲路煙深絕客來。千仞巖巒深
可遯。萬重谿澗石樓臺。樺巾木屐浴流步。布裘藜
杖遶山迴。自覺浮生幻化事。逍遙快樂實奇哉。
衆星羅列夜深明。巖點孤燭月未沉。圓滿光華不
磨瑩。掛在青天是我心。

拾得大士

御選寶筏精華

卷上

五十四

自從到此天台寺。經今早已幾冬春。山水不移人
自老。見却多少後生人。君不見三界之中紛擾擾。
只爲無明不了絕。一念不生心澄然。無去無來不
生滅。

君見月光明。照燭四天下。圓輝掛太虛。瑩淨能瀟
灑。人道有虧盈。我見無衰謝。狀似摩尼珠。光明無
晝夜。

余住無方所。盤礴無爲理。時陟涅槃山。或翫香林
寺。尋常只是閒。言不干名利。東海變桑田。我心誰

管你。

有偈有千萬。卒急述應難。若要相知者。但入天台山。巖中深處坐。說理及談元。共我不相見。對面似千山。

無去無來本湛然。不拘內外及中間。一顆水精絕瑕翳。光明透滿出人間。

長沙景岑禪師

師遊山歸。首座問和尚甚處去來。師曰。游山來。座曰。到甚麼處。師曰。始從芳草去。又逐落花回。座曰。御選寶筏精華。卷上

五十五

大似春意。師曰。也勝秋露滴芙蓉。

有秀才看千佛名經。問曰。百千諸佛。但見其名。未審居何國土。還化物也無。曰。黃鶴樓崔顥題後。秀才還曾題也未。曰。未曾。曰。得閒題取一篇好。

僧問本來人。還成佛也無。師曰。汝見大唐天子。還自種田割稻麼。曰。未審。是何人成佛。師曰。是汝成佛。僧無語。師曰。會麼。曰。不會。師曰。如人因地而倒。依地而起。地道甚麼。

問向上一路請師道。師曰。一口針。三尺線。曰。如何。

領會。師曰。益州布。揚州絹。

師示偈曰。百尺竿頭不動人。雖然得入未爲真。百尺竿頭須進步。十方世界是全身。僧便問。祇如百尺竿頭如何進步。師曰。朗州山。澧州水。曰。不會。師曰。四海五湖皇化裏。

僧問如何轉得山河國土歸自己去。師曰。如何轉得自己成山河國土去。曰。不會。師曰。湖南城下好養民。米賤柴多足四鄰。僧無語。師示偈曰。誰問山河轉。山河轉向誰。圓通無兩畔。法性本無歸。

御選寶筏精華

卷上

五十六

示衆。若心是生。則夢幻空華亦應是生。若身是生。則山河大地。萬象森羅亦應是生。

問教中說幻意是有耶。師曰。大德是何言歟。曰。恁麼則幻意是無耶。師曰。大德是何言歟。曰。如某。三昧盡不契於幻意。未審和尚如何明教中幻意。師曰。大德信一切法不思議否。曰。佛之誠言。那敢不信。師曰。大德言信。二信之中是何信。曰。如某所明。二信之中是名緣信。師曰。依何教門得生緣信。

曰華嚴云。菩薩摩訶薩。以無障無礙智慧。信一切世間境界。是如來境界。又華嚴云。諸佛世尊。悉知世法及諸佛法。性無差別。決定無二。又華嚴云。佛法世間法。若見其真實。一切無差別。師曰。大德所舉緣信教門。甚有來處。聽老僧與大德明教中幻意。若人見幻本來真。是則名爲見佛人。圓通法。法無生滅。無滅無生。是佛身。

華嚴座主問。虛空爲是定有。爲是定無。師曰。言有亦得。言無亦得。虛空有時。但有假有。虛空無時。但無假無。曰。如和尚所說。有何教文。師曰。大德豈不聞首楞嚴云。十方虛空。生汝心內。猶如片雲點太清裏。豈不是虛空生時。但生假名。又云。汝等一人發真歸元。十方虛空。悉皆銷殞。豈不是虛空滅時。但滅假名。老僧所以道。有是假有。無是假無。

問如何是文殊。師曰。牆壁瓦礫是。曰。如何是觀音。師曰。音聲語言是。曰。如何是普賢。師曰。衆生心是。曰。如何是佛。師曰。衆生色身是。曰。河沙諸佛體皆同。何故有種種名字。師曰。從眼根返源名文殊耳。

根返源名觀音。從心返源名普賢。文殊是佛妙觀。察智。觀音是佛無緣大慈。普賢是佛無爲妙行。三聖是佛之妙用。佛是三聖之真體。用則有河沙假名。體則總名一薄伽梵。

皓月問天下善知識。證三德涅槃也未。師曰。大德問果上涅槃。因中涅槃。曰。問果上涅槃。師曰。天下善知識未證。曰。爲甚麼未證。師曰。功未齊于諸聖。曰。功未齊于諸聖。何爲善知識。師曰。明見佛性。亦得名爲善知識。曰。未審功齊何道。名證大涅槃。師

御選寶筏精華

卷上

五十八

示偈曰。摩訶般若照。解脫甚深法。法身寂滅體。三理圓常。欲識功齊處。此名常寂光。曰。果上三德涅槃。已蒙開示。如何是因中涅槃。師曰。大德是。茱萸和尚。

上堂。擎起一椀竹。曰。還有人虛空裏釘得椀麼。時有靈虛上座出。衆曰。虛空是椀。師便打。虛曰。莫錯打。師便下座。

子湖利蹤禪師

示衆。諸法蕩蕩。何絆何拘。汝等於中。自生難易。心

源一統。綿亘十方。上上根人。自然明白。自古及今。未曾有一個凡夫聖人。出現汝前。亦無有一善語惡語。到汝分上。爲甚麼故。爲善善無形。爲惡惡無相。既已無我。把甚麼爲善惡。立那個是凡聖。汝信否。還保任否。有甚麼迴避處。恰似日中逃影相似。還逃得麼。今之既爾。古之亦然。今古齊時。汝還諱得麼。佛法元妙。了得者。自相策發。無爲小緣妨於大事。汝不見道。寧可終身立法。誰能一旦忘緣。仁者。要得會禪麼。各歸衣鉢下看。

御選寶筏精華

卷上

五十九

僧問如何是大圓鏡。師云。一切物著不得。進云。爲甚麼一切物著不得。師云。汝是一切物。還著得汝否。

師曰。仁者。本自具足。本自周備。直教無纖毫法。礙你眼光始得。若有微塵底不盡。不是一生半劫。賺汝皮囊。汝性命根境法中。造諸妖怪。山精鬼魅。附汝行持。得少爲足。鼓弄片皮。於佛法却爲毒害。譏禮塔廟。毀彼持經。則成師子身中虫。自食師子身中肉。

師曰。仁者。豈不見目前太虛。還有纖毫欠少處麼。若也於中體得這個消息。不妨出得凡聖境界。了得世間出世間之智。一法既爾。萬法亦然。仁者還樂也無。

示衆。天上人間。輪迴六道。乃至蠢動含靈。未曾於此一分真如中。有些子相違處。還信麼。還領受得麼。大凡行脚也。須具大信根。作個丈夫始得。何處得與麼難信。他古人只見道個卽心是佛。卽心是法。便承信去。隨處茅茨石室。長養聖胎。只待道果成熟。汝今何不效他行取。仁者可煞分明。並無叅雜。治生產業。與諸實相。不相違背。

新羅大茅和尚

上堂。欲識諸佛師。向無明心內識取。欲識常住不凋性。向萬物遷變處識取。

湖南祇林和尚

師每叱文殊普賢皆爲精魅。手持木劍。自謂降魔。纔見僧來叅。便曰。魔來也。魔來也。以劍亂揮。歸方丈。如是十二年。後置劍無言。僧問十二年。前爲甚。

麼降魔。師曰。賊不打貧兒家。曰。十二年後爲甚麼不降魔。師曰。賊不打貧兒家。

馮山靈祐禪師

仰山搭衣次。提起問師曰。正恁麼時。和尚作麼生。師曰。正恁麼時。我這裏無作麼生。仰曰。和尚有身而無用。師良久。却拈起問曰。汝正恁麼時作麼生。仰曰。正恁麼時。和尚還見伊否。師曰。汝有用而無身。

師問仰山。天寒人寒。仰答曰。大家在這裏。師曰。何不直說。仰曰。適來也不曲。和尚却如何。師曰。直須隨流。

仰山香巖侍立次。師舉手曰。如今恁麼者少。不恁麼者多。嚴從東過。西立。仰從西過。東立。師曰。這個因緣。三十年後。如金擲地相似。仰曰。亦須是和尚提唱始得。嚴曰。卽今亦不少。師曰。合取口。

師坐次。仰山入來。師以兩手相交。示之。仰作女人拜。師曰。如是如是。

師問仰山。妙淨明心。汝作麼生會。仰曰。山河大地。

日月星辰。師曰。汝祇得其事。仰曰。和尚適來問甚麼。師曰。妙淨明心。仰曰。喚作事得麼。師曰。如是如是。

師摘茶次。謂仰山曰。終日摘茶。祇聞子聲。不見子形。仰撼茶樹。師曰。子祇得其用。不得其體。仰曰。未審和尚如何。師良久。仰曰。和尚祇得其體。不得其用。師曰。放子三十棒。仰曰。和尚棒某甲喫。某甲棒教誰喫。師曰。放子三十棒。

有僧問。頓悟之人。更有脩否。師曰。若真悟得本。他

御選寶筏精華

卷上

六十二

自知時。脩與不脩。是兩頭語。如今初心。雖從緣得。一念頓悟自理。猶有無始曠劫習氣。未能頓淨。須教渠淨除現業流識。卽是脩也。不可別有法。教渠脩行趣向。以要言之。實際理地。不受一塵。萬行門中。不捨一法。凡聖情盡。體露真常。理事不二。卽如如佛。

道吾宗智禪師

有施主施袈裟山提起示衆曰。法身還具四大也。無有人道得與他一腰袈。師曰。性地非空。空非性。

地。此是地大。三大亦然。藥山曰。與汝一腰裍。

雲巖曇晟禪師

師問僧甚處來。曰。添香來。師曰。還見佛否。曰。見。師曰。甚麼處見。曰。下界見。師曰。古佛古佛。

道吾問。大悲千手眼。那個是正眼。師曰。如人夜間背手摸枕头。吾曰。我會也。師曰。作麼生會。吾曰。徧身是手眼。師曰。道也太煞道。祇道得八成。吾曰。師兄作麼生。師曰。通身是手眼。

師掃地次。道吾曰。太區區生。師曰。須知有不區區者。吾曰。恁麼則有第二月也。師豎起掃帚曰。是第

幾月。吾便行。

院主遊石室回。師問云。汝去入到石室裏許。爲祇恁麼便回。院主無對。洞山代曰。彼中已有人占了也。師曰。汝更去作甚麼。洞山曰。不可人情斷絕去也。

船子德誠禪師

師至秀州華亭。泛一小舟。隨綠度日。以接四方往來之衆。時人莫知其高蹈。因號船子和尚。一日泊

船岸邊閒坐。有官人問。如何是和尚日用事。師豎
橈子曰。會麼。官人曰。不會。師曰。棹撥清波。金鱗竿
遇。後夾山散衆束裝。直造華亭。師纔見。便問大德
住甚麼寺。山曰。寺卽不住。住卽不似。師曰。不似似
個甚麼。山曰。不是目前法。師曰。甚麼處學得來。山
曰。非耳目之所到。師曰。一句合頭語。萬劫繫驢橛。
師又問。垂絲千尺。意在深潭。離鉤三寸。子何不道。
山擬開口。被師一橈打落水中。山纔上船。師又曰。
道道。山擬開口。師又打。山豁然大悟。乃點頭三下。
御選寶筏精華 卷上

逝。

仙天禪師

洛瓶和尚叅師問甚處來。洛瓶曰。南溪。師曰。還將南溪消息來麼。曰。消卽消已。息卽未息。師曰。最苦是未息。洛瓶曰。且道未息個甚麼。師曰。一回見面千載忘名。洛瓶拂袖便出。師曰。弄死蛇手。有甚麼限。

三平義忠禪師

師初叅石鞏。鞏常張弓架箭接機。師詣法席。鞏曰。

御選寶筏精華

卷上

六十五

看箭。師乃撥開胷曰。此是殺人箭。活人箭。又作麼生。鞏彈弓弦三下。師乃禮拜。鞏曰。三十年張弓架箭。祇射得半個聖人。遂拗折弓箭。後叅大顛。舉前話。顛曰。既是活人箭。爲甚麼向弓弦上辨。師無對。顛曰。三十年後。要人舉此話也難得。師問大顛。不用指東劃西。便請直指。顛曰。幽州江口石人蹲。師曰。猶是指東劃西。顛曰。若是鳳凰兒。不向那邊討。師作禮。顛曰。若不得後句。前話也難圓。

師有偈曰。卽此見聞非見聞。無餘聲色可呈君。個

中若了全無事。體用何妨分不分。

睦州道明尊宿

紫衣大德到禮拜。師問曰。所習何業。曰。惟識。師曰。作麼生說。曰。三界惟心。萬法惟識。師指門扇曰。這個是甚麼。曰。是色法。師曰。簾前賜紫。對御談經。何得不持五戒。德無對。

新到叅。方禮拜。師叱曰。闍黎因何偷常住果子喫。曰。學人纔到。和尚爲甚麼道偷果子。師曰。賊物現在。

御選寶筏精華

卷上

六十六

師問講金剛經僧。荷擔如來卽不問你。寺門前金剛爲甚麼入你鼻孔裏。僧云。和尚甚麼說話。師云。你講得夢裏。

問僧甚麼處來。云。靈山來。師云。近日打殺一門僧。是否。僧無語。師云。這個蝦蟆。

僧問寺門前金剛。拓卽乾坤大地。不拓卽絲髮不逢時如何。師曰。吽吽。我不曾見此。

問教意祖意。是同是別。師曰。青山自青山。白雲自白雲。曰。如何是青山。師曰。還我一滴雨來。曰。道不

得請師道。師曰。法華鋒前陣。涅槃句後收。

烏石靈觀禪師

師問西院此一片地。堪著甚麼物。西院曰。好著個無相佛。師曰。好片地被兄放不淨污了也。

大隨法真禪師

僧問路逢古佛時如何。師曰。你忽逢驢駝象馬。喚作甚麼。

僧問。劫火洞然。大千俱壞。未審這個壞不壞。師曰。壞。曰。恁麼則隨他去也。師曰。隨他去。僧不肯。後到

御選寶筏精華

卷上

六十七

投子。舉前話。子遂裝香遙禮。曰。西川古佛出世。謂其僧曰。汝速回去懺悔。

問僧甚處去。曰。西山住菴去。師曰。我向東山頭喚汝。汝便來得麼。曰。不然。師曰。汝住菴未得。

壽山師解禪師

閩帥問壽山年多少。師曰。與虛空齊年。曰。虛空年多少。師曰。與壽山齊年。

新興嚴陽尊者

僧問如何是佛。師曰。土塊。曰。如何是法。師曰。地動。

也。曰：如何是僧？師曰：喫粥喫飯。問：如何是新興水？師曰：面前江裏。

木陳從朗禪師

因金剛倒。僧問：既是金剛不壞身，爲甚麼却倒地？師敲禪牀曰：行住坐臥。

仰山慧寂禪師

瀉一日指田問師：這邱田那頭高，這頭低？師曰：却是這頭高，那頭低。瀉曰：你若不信，向中間立看。兩頭。師曰：不必立中間，亦莫住兩頭。瀉曰：若如是著水看，水能平物。師曰：水亦無定，但高處高，平處低，平瀉便休。

御選寶筏精華

卷上

六十八

師侍瀉行次，忽見前面塵起。瀉曰：面前是甚麼？師近前看了，却作此。相瀉點頭。

瀉山一日見師來，卽以兩手相交過，各撥三下，却豎一指。師以兩手相交過，各撥三下，却向胸前仰一手，覆一手，以目瞻視。瀉山休去。

師問僧：近離甚處？曰：廬山。師曰：曾到五老峯麼？曰：不會到。師曰：闍黎不會游山。

師住東平時。瀉山令僧送書并鏡與師。師上堂提起示衆曰。且道是瀉山鏡。東平鏡。若道是東平鏡。又是瀉山送來。若道是瀉山鏡。又在東平手裏。道得則畱取。道不得則撲破去也。衆無語。師遂撲破便下座。

師坐次有僧來作禮。師不顧。其僧乃問師識字否。師曰。隨分。僧乃右旋一匝曰。是甚麼字。師於地上書十字酬之。僧又左旋一匝曰。是甚字。師改十字作卍字。僧畫此○相以兩手拓。如脩羅掌日月勢。

御選寶筏精華

卷上

六十九

曰。是甚麼字。師乃畫此㊦相對之。僧乃作婁至德勢。師曰。如是如是。此是諸佛之所護念。汝亦如是。吾亦如是。善自護持。其僧禮謝。騰空而去。

時有一道者見。經五日後遂問師。師曰。汝還見否。道者曰。某甲見出門騰空而去。師曰。此是西天羅漢。故來探吾道。道者曰。某雖覩種種三昧。不辨其理。師曰。吾以義爲汝解釋。此是八種三昧。是覺海。變爲義海。體則同然。此義合有因有果。卽時異時。總別不離隱身三昧也。

劉侍御問了心之旨。可得聞乎。師曰。若要了心。無心可了。無了之心。是名真了。

師一日在法堂上坐。見一僧從外來。便問訊了。向東邊叉手立。以目視師。師乃垂下左足。僧却過西邊叉手立。師垂下右足。僧向中間叉手立。師收雙足。僧禮拜。師曰。老僧自住此。未曾打著一人。拈拄杖便打。僧便騰空而去。

問僧名甚麼。曰。靈通。師曰。便請入燈籠。曰。早個入了也。師便休。

御選寶筏精華

卷上

七十

師臥次。僧問曰。身還解說法也無。師曰。我說不得。別有一人說得。曰。說得底人在甚麼處。師推出枕头。瀉山聞曰。寂子用劍刃上事。

龐居士問久嚮仰山。到來爲甚麼却覆。師豎起拂子。士曰。却是。師曰。是仰是覆。士乃打露柱曰。雖然無人。也要露柱證明。師擲拂子曰。若到諸方。一任舉似。

臨濟義元禪師

師鉏地次。見黃檗來。拄鋤而立。檗曰。這漢困那。師

曰。鏝也未舉。困個甚麼。槃便打。師接住棒。一送送。倒。槃呼維那扶起我來。維那扶起曰。和尚爭容得。這風顛漢無禮。槃纔起。便打維那。師鏝地曰。諸方火葬。我這裏活埋。

師小叅曰。有時奪人不奪境。有時奪境不奪人。有時人境兩俱奪。有時人境俱不奪。克符問。如何是奪人不奪境。師曰。煦日發生鋪地錦。嬰兒垂髮白如絲。符曰。如何是奪境不奪人。師曰。王令已行天下徧。將軍塞外絕煙塵。符曰。如何是人境俱奪。師

御選寶筏精華

卷上

七十一

曰。井汾絕信。獨處一方。符曰。如何是人境俱不奪。師曰。王登寶殿。野老謳歌。

師曰。你但一切入凡入聖。入染入淨。入諸佛國土。入彌勒樓閣。入毘盧遮那世界。處處皆現國土。成住壞空。佛出於世。轉大法輪。入無餘涅槃。不見有去來相貌。求其生死了不可得。便入無生法界。處處游履國土。入華藏世界。盡見諸法全真。皆是實相。

僧問古人布髮掩泥。當爲何事。師曰。九鳥射盡。一翳猶存。一箭墮地。天下黯黑。

僧問如何是夾山境。師曰。猿抱子歸青嶂裏。鳥銜花落碧巖前。

上堂。有祖以來。時人錯會。相承至今。以佛祖言句爲人師範。若或如此。却成狂人無智人去。他祇指示汝。無法本是道。道無一法。無佛可成。無道可得。無法可取。無法可捨。所以老僧道。目前無法。意在目前。他不是目前法。若向佛祖邊學。此人未具眼。御選寶筏精華

卷上

七十二

在。何故。皆屬所依。不得自在。本祇爲生死茫茫。識性無自由分。

投子大同禪師

雪峯到。師指菴前一片石。謂雪峯曰。三世諸佛總在裏許。峯曰。須知有不在裏許者。師曰。不快漆桶。師與雪峯遊龍眠。有兩路。峯問那個是龍眠路。師以杖指之。峯曰。東去西去。師曰。不快漆桶。問一槌便就時如何。師曰。不是性燥漢。曰。不假一槌時如何。師曰。不快漆桶。峯問此間還有人叅也無。師將

鏝頭拋向峯面前。峯曰。恁麼則當處掘去也。師曰。不快漆桶。峯辭師送出門。名曰道者。峯回首應諾。師曰。塗中善爲。

師因僧問。如何是十身調御。師下禪牀立。又問。凡聖相去多少。師亦下禪牀立。

問一等是水。爲甚麼海鹹河淡。師曰。天上星。地下木。

師在京赴一檀越齋。檀越將一盤草來。師拳兩手安頭上。檀越便將齋來。後有僧問。和尚在京投齋。

御選寶筏精華 卷上

七十三

意旨如何。師曰。觀世音菩薩。

清平遵令禪師

初叅翠微。便問。如何是西來的的意。翠微曰。待無人。卽向汝說。師良久曰。無人也。請和尚說。翠微下禪牀。引師入竹園。師又曰。無人也。請和尚說。翠微指竹曰。這竿得恁麼長。那竿得恁麼短。師領謝。僧問。如何是大乘。師曰。井索。曰。如何是小乘。師曰。錢貫。曰。如何是有漏。師曰。箊籬。曰。如何是無漏。師曰。木杓。

問如何是清平家風。師曰。一斗麵作三個蒸餅。

御選寶笈精華

卷上

七十四

杭州圖書館

◎ 杭州圖書館

◎杭州圖書館



杭州圖書館

